

Ministro di Salubridad Publico, dr. Ike Posner: Fase preparatorio di Proyecto Centro Médico San Nicolas a keda finalizá

ORANEJSTAD

Ministro di Salubridad, dr. Ike Posner a duna e bon noticia cu e fase preparatorio pa duna Centro Medico Rudy Engelbrecht un cara nobo a drenta e parti final.

Filosofia di Ministro di Salud Publico ta cu eficiencia y calidad semper mester ta na promer lugar y esaki ta duna un importancia grandi na e fase preparatorio di e proyecto di Centro Médico.

Enfasis ta keda riba dos aspecto di importancia cu mester tene cuenta cu nan:

1.-cuido medico en general cu ta wordo duná Pariba di Brug y Aruba en general, -un crecimiento di poblacion di Aruba cu tur su consecuencianan cu ta exigi y merecé mas y mihor cuida medico.

2. facilidad disponibel poniendo enfasis riba:

-atencion medico di emergencia,
-atencion medico general necesario.

Pa haci e atencion medico di emergencia optimal y amplia e atencion medico general mester tin un forma di maneho cu por garantiza esaki. Di otro banda e rol di un y tur den e ampliacion di Centro Medico lo bai ta di suma importancia tambe.

Ministro Posner a informa cu durante e combersacionnan den e comision (consistiendo di Director Interino di Departamento di Salubridad Público, hefe di Centro Medico, hefe di EHBO y coordinador di e proyecto) caminda a evalua Centro Medico den su totalidad, a resaltá dos punto. E puntonan aki ta: evaluando e situacion actual, kico expansion di Centro Medico lo nificá. Evaluando e situacion actual por deducí cu ta dunando atencion na tur aspectonan cu tin di haber cu entre otro; edificio, personal, fondonan y material en general. A base di esaki por toca e parti di e nificacion di expansion di Centro Medico.

Un punto cu ta resaltá ta con pa haci Centro médico funcioná den un forma mas optimal,

efectivo y eficiente. Esaki ta nificá cu mester mehorá e maneho di Centro Medico y tur cos cu tin di haber cu maneho. Pa medio di esaki tur hende por mira y sinti e cambionan cu lo ta na bienestar di cuida médico Pariba di Brug y Aruba en general.

Intencion ta pa amplia maneho di Centro médico cu personanan clave cu conocemento amplio di cuida medico y di maneho. A traves di e ampliacion aki, e expansion lo ta na beneficio di henter comunidad cu lo ripará cambionan drástico cu lo mehorá cuida médico en general.

Di otro banda, e expansion di Centro Medico lo nificá cu e

pacient cu bai busca atencion medico lo tin e posibilidad di escohe y participá den su mesun cuida medico. Cu e diferente posibilidad y facilidadnan cu lo bin na Centro Medico e pacient lo wordo sostení den tumamento di decision kico lo ta mihor pa su cuida médico.

E filosofia rond mundo ta cu no mester keda interná mas hopi cu ta posibel, pero duna atencion y continuidad na e aspectonan di e malestar. Si por ehempel, un persona tin un herida na su pia of un operacion chikito a wordo haci y físicamente e persona ta bon, e persona no mester keda interna si no ta necesario. Si e persona sinti su mes bon y e resultadonan despues di e operacion ta na su

fabor, e persona no mester keda interna pa tempo largo. Esaki kiernen cu e persona lo haya chens di bai cas mas liher cu ta posibel, cu e posibilidad di bin bek pa control. Dor di esaki e persona por ingresá bek den comunidad mas pronto cu ta posibel.

Intencion di Ministro Posner ta pa crea e infraestructura necesario na San Nicolas y tambe trese e recursonan humano necesario, pa di e forma aki brinda pueblo di Pariba di Brug y Aruba en general un cuida médico optimal, un cuida medico diversificá, caminda e pacient tin diferente opcion pa scohe, pero no solamente esey, sino tambe cu e mes por ta involucrá den su tratamiento.



Diamars 14 di Maart:

Pos Chiquito: Club Universal
Santa Cruz: Top FM 95.1
Ayo: Centro di Barrio Ayo

Diarazon 15 di Maart

Tanki Leendert: Jeugdcentrum Tanki Leendert
Noord: Centro di Barrio Noord
Paradera: Club Caiquetio

Diahuebs 16 di Maart:

Oranjestad: Centro di Barrio Playa Pabao
Oranjestad: Dominicanessenstraat 22
(Dilanti di Mai Ice factory)
Cumana: Cumana 78 (Cas di Maiky Croes)

Nos ta spera cu pueblo lo acudí masalmente pa asina día 18 di Maart Día di Himno y Bandera tur hende orguyosamente por hisa nan bandera!

Diasabra 18 di Maart:

Ofrenda floral pa 8:00 am na estatua di nos Libertador, Betico Croes,
Ofrenda floral pa 8:30 am na su lugar di sosiego na Santa Cruz
Di 10:00 am - 1:00 pm Koffie- morgen den Centro San Martin.
Nos lo bende artículo y nos lo deleita boso cu música di caha di orgel.
Pa 7:00 pm Santo Sacrificio di misa na Inmaculada Concepcion na Sta. Cruz

Calidad ta papia
pa su mes...

Tefal



Surprise
HOUSEWARES & KITCHENS

L.G. Smith Boulevard 126 P.O. Box 598 Oranjestad Tel: 823434 / Fax: 833006